

Powšitkowne WOZJEWJENJA

njedźelu, 14. decembra 2014

TCM – „Łužica pomha“ prosy wo dary za Krupku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ wobnowjenje kapałki ze studničku swjateje Marije w Krupce podpěrać. Na tu- te putniske městno putnikuja młodži a starši katolscy Serbja kóždy lěto pěši, z kołom, awtom abo busom. TCM prosy wěriwych wo šćedriwe dary na konto Cyrill-Methodius-Verein, IBAN: DE65 750 90 300 000 828 23 66, BIC: GENO DEF1 M05 pola banki Liga pod hesłom „Łužica pomha“. Štóz přeje sej darowansku kwitowanku, njech poda na přepokazance swoju dospołnu adresu.

J. Špitank, předsyda TCM

Přiležnosć k swjatej spowědži w Róžeńće

wutoru, 16. decembra 18.30 - 19.30 hodź.	tach. farar W. Sćapan, farar M. Deleńk, farar D. Dzikiewicz, farar J. Magiera
sobotu, 20. decembra 17.00 - 18.00 hodź.	farar M. Anders, farar C. Hrjehor, farar G. Nawka, farar B. Jakubaš
wutoru, 23. decembra 18.30 - 19.30 hodź.	farar M. Anders, farar G. Warnar, farar B. Jakubaš, kapłan O. Gonda

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 10. januara, w 14.00 hodź. w Chróšćanskej „Jednoće“ halowy koparski turněr wo pokal TCM. Přeprošene su wosa- dne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjami a jednym wro- tarjom. Přizjewić měli so mustwa hač do srjedy, 7. januara, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Paslenje hodownych darikow

Dekanatne dušepastyrstwo přeprošuje šulerki a šulerjow 6. do 8. lětnika sobotu, 20. de- cembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do srjedy, 17. decembra, pod telefonowym čisłom (03 57 96) 8 87 07 přizjewja. Za wudawki dnja zběra so na wobdźělnika přinošk we wysokosći dźesać eurow.

Kubłanske dny za młodostnych w Schmiedebergu

Pod hesłom „Derje, zo mam přećela – wo lubosći a tajkich wěcach“ přeprošujemy młodostnych wot 14 lět na kubłanske dny. Wone budu wot pjatka do njedzele, 2. do 4. januara 2015, we Winfriedowym domje w Schmiedebergu. Informacije podawataj, diskusije nawjedujetaj, prašenja wotmołwjetaj a do džěta pohonjujetaj mandželskaj Dr. Brücker z Drježdźan. Wonaj staj wukubłanaj w džěle „teenstar“. Přizjewjenja přijimuju so hač do pjatka, 19. decembra, w Dekanatnym dušepastyrstwje we Wor- klecach pod telefonowym čisłom 03 57 96 (9 55 95) abo z mailku na don.boskowy- dom@t-online.de.

Referentka Sabina Lanzyna, wosadna asistentka Weronika Wróblowa a farar Měrcin Deleńk

Mandželske seminary 2015

Termíny mandželskich seminarow w Smochčanskim Domje biskopa Bena za přichodne lěto su 20./21. februara, 13./14. měrca a 27./28. nowembra. Přizjewić měli so zajimcy pisomnje hač do pónđzele, 26. januara, pola Dekanatneho dušepastyrstwa, Młynski puć 4, we 01920 Worklecach. Formularj k tomu móža sej w cyrkwjach sobu wzać.

Hodowny hudźbny nyšpor w Róžeńće

Chór Lipa wuhotuje njedźelu, 28. hodownika, w 17 hodź. w Róžeńčanskej cyrkwi hodowny hudźbny nyšpor. Na nim zaklinča hodowne spěwy serbskich a němskich komponistow. Zběrka při durjach budže za hnadownu cyrkej. Wšitcy lubowarjo hodownych zynkow su wutrobnje přeprašeni.

Oratorij „Zyma“ zaklinči w Budyšinje

Chór a orchester Serbskeho ludoweho ansambla (SLA), Radworski chór Meja kaž tež solisća pod nawodom Gabriela Doná předstaja njedźelu, 28. decembra, w 17 hodź. oratorij „Zyma“ w Budyskej cyrkwi Našeje lubeje Knjenje. Tuta twórba je posledni dźěl cyklusa „Počasy“ z pjera Handrija Zejlerja a Korle Awgusta Kocora. Solistiske dźěle přewozmu Elmira Yakhina, Tanja Donatec, Mikołaj Walerych a Jae-Hyung Cho. Za wudawki koncerta přewjedže so při durjach zběrka. Wšitcy zbliska a zdaleka su wutrobnje přeprašeni.

Hodowny koncert w Chróścicach

Tradicionalny hodowny koncert Chróścanskeho cyrkwinskeho chóra z instrumentalistami a solistami wotměje so njedźelu, 4. januara, w 14 hodź. w tamnišej wosadneje cyrkwi. Zaklinči mjez druhim „Missa pastoralis“ wot Ignaza Reimanna. Wšitcy zajimcy su wutrobnje přeprašeni.

Dźěłarnja za zbrašenych pyta noweho nawodu

Klášter Marijina Hwězda pyta za swój Dom swjateho Michała, dźěłarnju za zbrašenych, w Pančicach-Kukowje noweho nawodu. Wobšěrne wupisanje je pod www.posol.de wozjewjene. Nadrobnosće zhonja zajimcy tež pod telefonowym čisłom (03 57 96) 9 94 63.

„Wodych duše“

Za katolskich a ewangelskich wěriwych poskićuje so w předawanišćach z wuběrom serbskich knihow a w Smolerjec kniharni wudaće „Wodych duše“. Knihu z modlitwami za wšědny dzeń je Terezija Kubašec zestajała. We wjetšim pismje je kniha wosebje za staršich ludźi a špatnje widžacych myslena.